

1 Timoteo

¹ Pau²lah³lo²na¹xai²na² ũ³wha²li¹le¹nxa²ha¹wa².
 Je³su² Kris²tu³jah¹la² ĩ³sa²si¹hã³ũ¹sa²jah¹lo²sa¹wa².
 Je³su² Kris²tu³jah¹lai²na² wãn³txa²
 ĩ³hen³txi³si¹ha¹jau³su² ĩ³sa²si¹hã³ũ¹sa²na²hẽ³la².
 Txa²wã¹sũ³nu²kxai³lu² txa²wã¹ẽ¹na²
 sa²hau³ko³tẽ³jah¹la² ĩ³kwa³na³sai¹ni² Je³su²
 Kris²tu³jah¹la² wah³nxe³ki³jah¹la² ĩ³kwa³na³sai¹ni²
 nxe³sain¹na²hẽ³la². ² Nxe³na¹jut³su²
 Ti³mo²jah³lo²si¹nha²kxai³ ain³kxi²sẽ¹la².
 Txa²wã¹sũ³na² wãn³txa² ain³kxi²sa¹nha²kxai³
 txa²wẽ³sũ³te²si¹lxa². Nxe³ha²kxai³ Txa²wã¹sũ³na²
 Si³yxau³jah¹la² Txa²wã¹wĩ³nu²su² ha²kxai³ Je³su²
 Kris²tu³jah¹la² Txa²wã¹hxi²kan¹ta² Si³yxau³jah¹lo²su²
 ha²kxai³ nxe³ya³sxã³kãin² thãĩ³ti³la² a³lxi²nxa²si¹hi²
 wi¹lhin¹sxã³ thãĩ³ti³la² sa²hau³ko³txa²si¹hi²
 wxa²nxũ²kwai³nãu³a² ã³nhãu²no³txa²si¹hi²
 nxe³nxa²si¹jau³su² ten³sa³nha²wa².

Wãn³txa²ki³han³jau³su² ĩ³tih³nxe³nyhain¹jau³su²

³⁻⁴ Nxe³ha²kxai³ Ma³se³to²na²ko³xa² ai³te³lhxã³
 nxa¹hĩ¹nai³tã² e³kxi¹nxa²ha¹tai¹ti²tu³wa².
 Nxe³nxa²ha¹te³nah¹lxi¹:
 — E²fe³so³thĩ³na² hãĩ¹sxã³ yxau³sẽ¹li¹.
 A²nũ²a² ĩ²li³te²a² wãn³txa² ki³han³jau³xa²
 ĩ³tih³nxe³nyhai¹nha³tai¹. Nxe³te²a² ha³ya³kxa²
 o²la³kxain¹si¹hin¹jau³su² ĩ³ye³kxi¹tai¹nhẽ³li¹.
 Wãn³txa² ki³han³jau³su² jau³xa² ã³na¹i²
 wxa²wĩ³na²nãu³xu¹tai²na² he¹ta¹hxai²hẽ¹li¹.
 Nxe³jau³xai²na² ya²la³tu³txa³kxai²nãn²tu³
 ã³na¹i² nxe³ain¹si¹hin¹jau³su² ĩ³ye³kxi¹tai¹nhẽ³li¹.

Nxe³jau³xai²li² a²ẽ¹nãu³ai²na² hxi²kan¹txi³
 yxo²i²ki³jau³sxa³wa². Yxãn¹ta¹ Txa²wã¹sũ³na²
 wãn³txa² so¹lxi³ hxi²kan¹txi³ yxo²i²ki³jau³xai²la¹wa².
 5 Nxe³sxã³ wain³txi³ i³tih³nxain¹ki³kxai²nãn²tu³
 a²ẽ¹nãu³ai²na² wi¹lhin¹ju³ta² so¹lxi³ yũ³ha²kxai³
 wain³ye¹nxa²ju³ta² so¹lxi³ kãi³ha²kxai³
 Je³su²jah³la² txa²wã¹ẽ¹nãu³a² sa²hau³ko³te³ju³ta²
 yxo²i²ha²kxai³ ai¹nhĩ³nx2na³la². Ain¹kxai²nãn²tu³
 a³lxi²waun¹nyhu¹ki³ju³ta² ã²la² kãi²nhĩ³nx2na³la².
 Ju¹tai²li² ten³sa³nha²wa². 6 Yxãn¹ta¹ a²nũ²a²
 i²li³te²a² wãn³txa² toh³lxi³jau³xa² ain³so¹ain¹ka³tu³
 wãn³txi³khaj³xa² sa²kxai³lu² ã³na¹ain¹na²hẽ³la².
 Kwa²toh³lxi³jau³xa² i³tih³nxain¹te²ju²hẽ³la².
 7 Nxe³sxã³:

— Moi³se²ah³lu¹tai²na² wha²li¹txã³nxu¹tai²na²
 wãn³txa² i³tih³nxex³jah¹lo²sa¹wi¹. Nxain¹na³la².
 Nxe³yãn¹ta¹ jau¹xai²na² i³tih³nxain¹jau³xai²na²
 a³la³kxai¹nxa³ha²kxai³ a²si³yxau³tãu³a²
 ain³nha²nxa³ha²kxai³ nxe³ain¹na³la².

8 Ai¹nha²kxai³ Moi³se²ah³lu¹tai²na²
 wãn³txa² i³tih³nxain¹jau³xu¹tai²na² wain³txi³
 sa²yxo²we¹tain¹kxai²nãn²tu³ wi¹te²ju²hẽ³la².
 9 Yxãn¹ta¹ wi¹lhin¹tũ³ka³txi³ki³nãu¹xai²na²
 i³tih³nxex³nẽ³jau³sxa³wa². Yxãn¹ta¹ a²nũ²a²
 ko³nxex³ti³ kãi³te²su² te²na² Txa²wã¹sũ³na²
 i³xan³ta³kxain¹te²su² te²na² a²ẽ¹nãu³ai²na²
 i³ne³wã³nũn³ta³kxi²te²su² te²na² Txa²wã¹sũ³na²
 sa²nẽn¹kxi²nxa³te²su² te²na² Txa²wã¹sũ³na²
 ko³nxex³ti³ e³kxi²te²su² te²na² a²wĩ³nu²su² ta³nxa²
 a²hã³ka³nũ²su² ta³nxa² i³xan³txa³kxain¹te²su²
 te²na² a²nũ²a² su²lhã³nyhu¹ki³te²su² te²na²
 nxe³te²a² yxo²ha³kxa¹ Txa²wã¹sũ³na²

ĩ³kwa³na³nẽ³jau³xai³tã² ĩ³tih³nxe³jau³nũ³ai²la¹wa².
 10 Te²yã¹nxe³sxã³ tũ¹ka³txa² te²yã¹xain¹nũ³na³la².
 Kuh³lxa³thin¹khaix¹te²su² te²na² in³txi³su²
 ta³nxa² txu¹su² ta³nxa² kuh³lxa³thin¹sxã³
 ũ³whĩn¹ta³kxi²nyhu¹ki³te²su² te²na² a²nũ²a² ã³xa²
 nũ³kxũn³txi³ kãi³so¹sxã³ kwa²wa³kon³kxi²si¹jau³su²
 kwa³na³te²su² te²na² ĩ³ki³ha¹kxi²te²su² te²na²
 a²nũ²a² ĩ³ki³ha¹kxi²sxã³ ko³nxe³ti³ e³kxi²nyhu¹te²su²
 te²na² wi¹lhin¹jau³xa² yxo²kwĩn¹kxi²te²su² te²na²
 nxe³te²a² yxo²ha³kxa¹ Moi³se²ah³lu¹tai²na²
 wãn³txu¹tai²na² ĩ³tih³nxe³jau³xai²la¹wa².
 Nxe³jau³xai²na² yxo²ha³kxa¹ a²nũ²a² wi¹lhin¹te²a²
 ã²la² sa²yxo²we¹tain¹te²ju²hẽ³la². 11 Yxãn¹ta¹
 wãn³txa² wxi²kin³ti³ton³khaix¹si¹nhẽ³jau³su²
 yũ³na¹wa². Nxe³jau³xai²na² Txa²wã¹sũ³na²
 Wi¹lhin¹ta² Si³yxau³jah¹la² ũ³hũ¹sa²jau³xai²la¹wa².
 Txa²wã¹ẽ¹nãu³ai²na² sa²hau³ko³tũ¹nhẽ³jau³xai²la¹wa².
 ĩ³tih³nxe³nxa²ha¹jau³xai³ta³lxa²na³la².

Je³su² Kris²tu³jah¹la² sa²nẽn¹kxi²jau³su²

12 Nxa²ha¹te¹ Je³su² Kris²tu³jah¹la²
 Txa²wã¹hxi²kan¹ta² Si³yxau³jah¹lo²su² ha²kxai³
 sa²nẽn¹kxi²to³ha¹wa². ĩ³nũ³kxũn³txi³sai¹nha²kxai³
 ya³nãn³ta³ki²la²sxã³ wi¹kãi³a¹kxe³su²
 nxe³ye²sa²jau³su² ĩ³kaix¹so¹sai¹nha²kxai³
 nxe³sain¹na²hẽ³la². Sũ³na² wãn³txa² wi¹jau³xa²
 ĩ³hen³txi³te³lhxã³ ĩ³kaix¹so¹sain¹na²hẽ³la².
 13 Nxe³na¹hĩ¹nai³kxai³lu² nxe³na¹hẽ³la².
 Txa²wã¹sũ³na² ko³nxe³te²lo³txai¹na¹ha²kxai³
 Je³su²jah¹la² a²sa³wi³ha³lxa² khãuh³lxa³tai¹na¹ha²kxai³
 nũ³kxũn³txi³ an³txi³ti³hin¹sxã³ o²la³kxi²na¹ha²kxai³
 nxe³na¹hẽ³la². Txa²wã¹sũ³na² wãn³txa²
 ko³nha²nxa³ha²kxai³:

— Wain³txi³ kãi³a¹xã¹. Nxa¹jau³tu³
ko³nxe³ti³ kãi³a¹hẽ³la². Nxe³na¹kxan²ti³
wi¹lhin¹sxã³ thãi³ti³la² sa²hau³kot3sa³na²hẽ³la²
14 Nxe³sa³nũ²la² Je³su² Kris²tu³jah¹lo²kxai³lu²
thãi³ti³la² a³lxi² wa³to²hi²ha²kxai³
wi¹lhin¹khai¹nxe³ha²kxai³ yxo²i²si¹sain¹jau³su²
ĩ³yau¹ũ³sai¹ni² a³lxai¹na¹ju³ta³nũ³a² ũ³hũ¹sai¹ni²
Je³su² Kris²tu³jah¹la² nxe³sa³na²hẽ³la².
Ã³nũ²nxi²sxã³ yxau³a³sa³ha²kxai³ nxe³sa³na²hẽ³la².
15 Nxe³na¹jut3su² Je³su² Kris²tu³jah¹lo²su² te²kxai³lu²
a²nũ²a² yxo²ha³kxa¹ a²ẽ¹nãu³ai²na² sa²hau³ko³txi²
ko³nxe³ju³ta² wã³ko³txa³te²tu³ sa²wa²su¹txi²
nxe³te³lhxã³ wxã³na²hẽ³la². Nxe³te²jai¹ti²tu³wa².
Txai²li² kxã³nxa² ko³nxe³ti³ kãi³ wa³to²hi²
jah¹lo²su² na¹hẽ³la². Kĩ³han³nxa³wa². Wãn³txi³tu³
e³a¹wa². 16 Jã¹nxe³na¹ju³kxai³lu² nxe³na¹kxan²ti³nũ¹
Txa²wã¹sũ³na² wi¹lhin¹sxã³ thãi³ti³la²
sa²hau³kot3sa³na²hẽ³la². Sa²ju³tan¹te²kxa³ya³lhu²
Je³su² Kris²tu³jah¹lo²kxai³lu² ya³nãn³ta³ki²la²ha²kxai³la¹
txa²ẽ¹nãu³ai²na² sa²hau³kot3sa³na²hẽ³la²
Nxe³ha²kxai³ nxe³hĩ¹nãn¹te²tu³ a²nũ²a²
ĩ²li³te²a² yxo²i²kxai²nãn²tu³ ka³te³na²
wi¹tãu³a² nxe³ti³hi¹tain¹nũn³tu¹wa²
17 Nxe³jut3su² Txa²wã¹sũ³na² so¹lxi³
Txa²wã¹si³yxau³jah¹lai²la¹wa². A²wi¹lhĩ¹nu¹ta²na²
yen³kxa² yũ²nxa³hĩ¹nũ¹ta²nãn¹te²tu³
Txa²wã¹sũ³na² yxau²sa²tẽ³jah¹lai²la¹wa².
Hai³txi³ ya³lu²ju³ta² yũ³jah¹lo²sxa³wa².
ĩ²ki³sxa³hĩ¹nu¹ta²nãn¹jah¹lo²su² na³la². Hãĩ¹nxe²
sa²nẽn¹kxi²yxau²xai³ki³jah¹lo²su² na³la².

18 Nxa²ha¹te¹ Ti³mo²jah³lãi³. Txa²wẽt3si¹lxa².
Wãn³txa² e³kxi¹nxa²ha¹jau³xai²na²

ain³so¹sẽ¹la². Sa²yxo²wet1sẽ¹la².
 Kxã³nxai³tã² Txa²wã¹sũ³na² wãn³txa²
 e³kxi²tũ³ka³txai²na² e³kxi²nẽ³lain¹jau³xai³tã²
 ne³wã²na³txa³hẽ¹la². Ne³wã²na³xan³kxai²nãn²tu³
 i³nxũ²kwai³lxũ¹txi³nxa²tu¹wa². Nxe³nxa²ha²kxai³
 Txa²wã¹sũ³na² wa³ka³li³yu³ta² wain³txi³
 o²la³kxin¹tu¹wa². 19 ã³na¹sxã³ yxo²i²nxã²nxa³lho³la².
 Wxa²ẽ¹nãu³ai²na² wain³txi³ i³ye³kxi²nha¹tu¹wa².
 Nxe³to³ta¹ a²nũ²a² i²li³te²a² Sũ³na² wãn³txai²li²
 nxe³wã²na³ai¹nha²kxai³ yxo²i²ain¹ju³ta²
 ne³wã²na³ain¹na²hẽ³la². 20 I³me³ne²u²jah¹la²
 A³le³syãn²trah¹la³ nxe³ya³sxã³ te²yã¹nxe²
 kãi³ain¹na²hẽ³la². Ai¹nha²kxai³ Sa³ta³na²jah¹la²
 hxi²ka² ũ³hũ¹ai¹na¹hẽ³la². Nxai¹na¹ha²kxai³
 Txa²wã¹sũ³na² a²i³lxa² kq³nxe³ti³ e³kxain¹jau³xa²
 ã³na¹si¹hai¹na¹jau³sa².

2

Txa²wã¹sũ³na² i³ye³kxi²kj³ju³ta² i³yau¹ũ³jau³su²
 1 Ju²ta³la³ nxa²ha¹te¹ Txa²wã¹sũ³na²
 e³kxi²yxau²xai³txa²hẽ³la². Nxe²e³kxin¹te³nah¹lxĩ¹:
 — Jah¹lai²li² hxi²ka¹nai¹nxa³wi¹.
 ã³non²ta³kxi¹txai¹nhẽ³li¹. Nxe³ta³nxa²:
 — Jah¹lai²li² wi¹lĩ²txai¹nhẽ³li¹. Nxe³ta³nxa²:
 — Jah¹la² a²ẽ¹nãu³ai²na² sa²hau³ko³txai¹nhẽ³li¹.
 Nxe³ta³nxa²:
 — Jah¹lai²li² ã³non²ta³kxai¹nĩn¹tai¹ti²tu³wi¹.
 Wi¹lhin¹khaix1ni¹lxĩ¹. Sa²nẽn¹kxi¹nxa²ha¹wi¹:
 Nxe³ta³nxa² nxe³txain¹to³hẽ¹la². A²nũ²a²
 yxo²ha³kxa¹ nxe³nũh¹txai¹nhẽ³la². 2 Nxe³sxã³
 kwa³na³nẽ³tũ³ka³txa² Txa²wã¹hxi²kan¹ti³nãu³xã²
 yxo²ha³kxa¹ Sũ³na² nxe²e³kxi¹txai¹nhẽ³la².

Nxē¹kxai²nān²tu³ ha³lo²a² sa²hāu²no³ti²
 txa²wā¹ē¹nāu³ai²na² sa²hāu²no³ti² nxe³kxai²nān²tu³
 wi¹yxau³h³ki³tā³la². Nxē¹kxai²nān²tu³
 wi¹lhin¹sxā³ yxau² wi¹lhen³txi³nyhu¹sxā³
 yxau² nxe³h³ki³tā³la². 3 Nxe³ki³kxai²nān²tu³
 wi¹lh³nx2na³la². Txa²wā¹sū³na²kxai³lu²
 txa²wā¹ē¹nāu³ai²na² sa²hau³ko³tē³jah¹la²kxai³lu²
 ka³lih³khai¹nxe³h³nx2na³la². 4 Nxe³ha²kxai³ a²nū²a²
 yxo²ha³kxa¹ a²ko³nxe³ju³ta² wxa²wa²su¹txū¹hai¹ni²
 wān³txa² ya²la³lyau³xa² a³la³kxi²si¹hai¹ni²
 nxain¹ju³ta³nū³a² Txa²wā¹sū³na² a²ten³ju³ta²la¹wa².
 5 Txa²wā¹sū³na² ka³na³ka³na³tā³la². Te²yā¹nxe³sxā³
 a²nū²a² ka³na³ka³na³te²a² Je³su² Kris²tu³jah¹la²
 so¹lxi³ a²nū²nāu³xai²na² Txa²wā¹sū³na²
 yen³nāu³a² ĩ²sa²si³tē³kxi²nē³jah¹lai²la¹wa².
 A²nū²a² ā³xa² hxi²kan¹te²sxa³yu²hē³la².
 6 A²nxe³jah¹la² wā²nxū¹h²nha²sxā³
 ya³lu²kxi²nē³ta¹hxai²ti³ai¹ti²tu³wa². Nxe³jau³xai²li²
 ha³lo²a² ā³nhau³ko³thi¹nai³tā² Txa²wā¹sū³na²
 sa²kxai³lu² a²nū²nāu³xa² hāi¹nxe³ti³xa¹
 wā³ko³nxa³te²tu³ ĩ³yau¹ū³nhē³te³lhxā³
 ta¹hxai²ti³ai¹ti²tu³wa². 7 A²nxe³jau³xai²na²
 ĩ³yau¹ū¹hain¹te³lhxā³ ĩ³kaix1so¹sa³na²hē³la².
 Sa³ha²kxai³ a²nū²a² Ju³te²a² nū³ka³txi³sxa³te²a²
 a²yxō²ha³kxa¹ wān³txa² ya²la³lyau³xa² wān³txa²
 yxo²ĩ²si¹nhē³lain¹jau³nū³a² ĩ³hen³txi³sa²sān²nū²la²
 ĩ³sa²si¹hā³sa³na²hē³la². Ki³han³nxa³wa². Wān³txi³su²
 ĩ³ye³a¹wa².

8 Jā¹nxe³jut3su² in³txi³nāu³xa² ha³lo²a² ĩ²li³je³na²
 he¹ain¹tāu³a² Txa²wā¹sū³na² ĩ³ye³kxain¹ju³ta²
 ten³sa³nha²wa². A²ē¹nāu³ai²na² wi¹lhi¹nha²kxai³
 wxa²hxi²ka²la¹nha²sxā³ e³kxi²nxain¹ju³ta²

ten³sa³nha²wa². Jã¹nxe³sxã³ a²ẽ¹nãu³ai²na²
 ỉ³xan³txi³ju³ta² yũ²nxa³ha²kxai³ ko³txi³
 wã²nxũ¹hain³nha²ju³ta² yũ²nxa³ha²kxai³ ain¹ju³ta²
 ten³sa³nha²wa².

9 Te²yã¹nxe³sxã³ txu¹ti³nãu³xa² sa²kxai³lu² wã²la²
 wi¹khaix1ka³lo³a² ũ³whi²kxi²nhain¹kxai²nãn²tu³
 hxi²kan¹jut3sxa³wa². Te²yã¹nxe³sxã³
 kãi³ta³kxẽ¹ha² a³lxi²khaix1tĩh³na² ũ³yhxe²ta³hẽ¹nha²
 ta³nxa² ou²ra³ka² a³lxi²ki³ai²na² a²ne³kxĩ³sa²
 ũ³nhe³kũ¹nha² ta³nxa² nxain¹ju³ta²na² whã²na¹
 hxi²kan¹jut3sxa³wa². A²nũ²a² kwa² ỉ²kxain¹sxã³
 ỉ³sa²nẽ¹kxain¹ju³ta² wai³nxa³wa². Yxãn¹ta¹

wã²la² kwa² wi¹ka³lo³a² wi¹lhau³ko³nha²ka³lo³a²
 wain³na³la². 10 Yxãn¹ta¹ wi¹lhin¹ye²te²a² yen³kxa²
 wi¹lo²la³kxi²kxai²nãn²tu³ ã²la² wai³nhĩ³nx2na³la².

11 Te²yã¹nxe³sxã³ txu¹ha² wãn³txa² wi¹jau³xa²
 ỉ³tih³nxain¹kxai²nãn²tu³ ka³nah²nxe³sxã³ yxau³sxã³
 ain³kxain¹kxai²nãn²tu³ wai³nhĩ³nx2na³la².

12 Yxãn¹ta¹ txu¹sa²te²kxai³lu² in³txa²
 ỉ³tih³nxe³ta³nxa² ỉ³kwa³na³ta³nxa² nxe³ju³ta²na²
 ten³sa²nxa³nha²wa². Wai³nxa³wa². Hãĩ¹sxã³
 ka³nah²nxe³sxã³ yxau³sxaĩn³kxi²kxai²nãn²tu³

wai³nhĩ³nx2na³la². 13 Nxe³ha²kxai³
 a²wi¹lhĩ¹nu¹ta²kxai³lu² A³tãu²ah³lu¹ta²na²
 txa²nũ² we¹ta¹hxai²ti³ai¹ti²tu³wa².
 Hã²wxãn³txa³ E²va³ka³lxu¹ta²kxai³lu²
 we¹tũn³ta¹hxai²ti³ai¹ti²tu³wa², Txa²wã¹sũ³na²
 hxi²ka²sa². Hã²wxãn³txa³ Sa³ta³na²jah¹lai²na²

hi²sen³su²ta¹ka³lxi³nu¹ta²kxai³ĩ³ki³ha¹kxi²ta¹hxai²ti³ai¹ti²tu³wa².

14 Te²yã¹nxe³sxã³ A³tãu²ah³lu¹ta²na² hai³txi³
 ã³ke³tũ¹ta¹hxai²nxa³ti³ai¹ti²tu³wa². Yxãn¹ta¹
 txu¹ha³ka³lxai²na² ã³ke³tũ¹ju³tan¹te²kxa³ya³lu²
 ko³nxe³ti³ kãi³ta¹hxai²ti³ai¹ti²tu³wa².

15 Jã¹nxe³sxã³ wê³sa² a³li³lah¹tãu³a² txu¹ha²
khãuhx3nha²te²jai¹ti²tu³wa². Yxã¹ta¹
Txa²wã¹sũ³na² wãn³txa² yxo²i²i² a²nũ²a²
a³lxi²waun¹nyhu¹i² ai¹nha²kxai³ a²ẽ¹nãu³ai²na²
a²kõ³nxe³ju³ta² ã³wa²su¹tu¹wa².

3

Yxo²i²tũ³ka³txa² a²hxi²kan¹te²nãu³xa²

1 Nxa²ha¹te¹ txa²wã¹nũ³ka³txi³ki³na¹xai²na²
yxõ²i²tũ³ka³txi³ki³na¹xai²na² a²hxi²kan¹ti³su²
ki³ju³ta² ten³ki³kxai²nãn²tu³ wi¹lhĩ³nx2na³la².
Wai³nhĩ³nx2na³la². Ki³han³nxa³wa².

2 Nxe³ki³kxai²nãn²tu³ a²hxi²kan¹ti³su² ki³ju³ta²
ten³ki³kxai²nãn²tu³ wi¹lhin¹ki³ju³ta² kãin²
yũ³ki³sa²kxai³ a²nũ²a² ã³xa² i²li³te²a² hxi²kan¹txi³
kõ³nxe³ti³ e³kxi²nẽ³lai¹nhĩ³nx2nxa³wa².
Nxe³nẽ³lai¹nha²kxai³ txu¹ha² ka³na³ka³na³te²a²
so¹lxi³ tẽ³i² wain³txi³ wã²nxũ¹hain³nha²
txa²wã¹o²la³kxi²ki³ju³ta² wain³txi³ kãi³i²
a²hoh³lxi³su² a²nũ²a² yxo²ha³kxa¹ wi¹le³kxi²
nxe³ne³lhĩ³nx2na³la². Te²yã¹nxe³sxã³ a²nũ²a²
u²lxi³ wxã³kxai²nãn²tu³ wi¹lhin¹sxã³ yain³txa²
wã²nhũ¹hĩ³ki³tã³la². Te²yã¹nxe³sxã³ wãn³txa²
ã³ne³wxe³nxa³te²a² wxã³kxai²nãn²tu³ hxi²kan¹txi³
ĩ³yau¹ũ³hĩn³ki³tã³la².

3 Jã¹nxe³ju³kxai³lu²
yain³jau³xa² ũn³jau³xa² i³na²sxã³
wen¹ki³sxa³ha²kxai³ txa²wã¹nũ³ka³txa² kwa²
ã³nhe¹kxi²nyhu¹ki³sxa³ha²kxai³ nxe³hĩ³ki³tã³la².
Te²yã¹nxe³sxã³ a²nũ²a² hãi¹nxe³ti³xa¹ wi¹lhin¹sxã³
ĩ²ha²kxai³ hãu²non³sxã³ yxau³ha²kxai³ yen³kxa²
yxõ²kwain³nẽ³lxa³ha²kxai³ nxe³hĩ³ki³tã³la².

4 Te²yã¹nxe³sxã³ txa²wã¹sxi²ha² yxau³tũ³ka³txa²

yxo²ha³kxa¹ hxi²kan¹txi³ hau³kot3sĩ³ki³tã³la².
 Txa²wã¹wẽ³ha³lxa² wain³txi³ i³tih³nxe³ki³sa²kxai³
 wain³txi³ sa²yxō²we¹tẽ³lai¹nhĩ³nx2na³la².
 5 Nxe³ha²kxai³ txa²wã¹wẽ³ha³lxa²
 hxi²kan¹txi³ hau³ko³ki³sxa³kxai²nãn²tũ³
 yxo²i²ki³tũ³ka³txi³ki³na¹xai²na² hxi²kan¹txi³
 i³hau³kot3hĩ³ki³sxa³wa². 6 A²nxe³jah¹la² kwẽ¹ta²na¹
 yxo²i² ã³si³wxe³kxai²nãn²tũ³ hxi²kan¹txi³
 i³hau³ko³tẽ³lxa³lho³la². Nxe³ke³la³te²kxai³.

— Kãin² yxo²i²te²sa¹wi¹. Ain¹jau³su²
 nxe³kxai²nãn²tũ³ a²ẽ¹nãu³a² i³yxō²kãin²ti³nha²sxã³
 ko³nxe³ti³kãĩ³hĩ³nx2na³la². Nxe³ju³tan¹te²kxa³ya³lhu²
 Sa³ta³na²jah¹la² ko³nxe³ti³ i³yĩ¹li²kxa² yã¹nxe³sxã³
 ko³nxe³ti³ i³yĩ¹li²nũn³tu¹wa², Txa²wã¹sũ³na²
 hxi²ka²sa³. 7 Nxe³kxa²yu³su² a²nũ²a²
 yxo²i²ai¹nxa³te²a² wi¹le³ai¹nxa³kxai²nãn²tũ³
 Sa³ta³na²jah¹la² hi²sen³su² yxo²i²tũ³ka³txai²na²
 ko³nxe³te²lo³jau³su² ha³ta³nxe³ha³ta²wa².

Yxo²i²tũ³ka³txa²i²ũ³te²nãu³xa²

8 Txa²wã¹nũ³ka³txi³ki³na¹xa² yen³kxa²
 wã²nhũ¹ki³ju³ta² o²la³kxi²ti³ten³ki³kxai²nãn²tũ³
 txa²wã¹yxau²xai³ki³tãu³a² wi¹lhin¹sxã³
 yxau³ye² yau³ka³na³ka³nat3sxã³ a²ya³la³lyau³tũ³
 e³i² yain³jau³xa² ũn³jau³xa² i³na²sxã³
 we¹nxa³i² yen³kxa² kwa² yxo²kwai³nxa³i²
 nxe³hĩn³ki³tã³la². 9 Txa²wã¹ẽ¹nãu³ai²na² au³txi³
 Je³su² Kris²tu³jah¹la² tah²lxi³ we¹tẽ³jah¹la²
 nxe³te²na² wãn³txa² so¹lxi³ sa²yxō²so¹sxã³
 kãĩ³te²la³ hĩ³nx2na³la². 10 A²nxe³jah¹la²
 wa³ka³la² ã³xa² o²la³kxi²sãn²sxã³ ain³sxã³
 i²ain¹ki³kxai²nãn²tũ³ wi¹li² wai³ni² nxe²na³na¹

kī³kxai²nān²tu³ hai³txi³ a²ko³nxe³ti³ kăi³ain¹ju³ta²
 i²kī³sxa³kxai²nān²tu³ nxe³hī¹na¹ yen³kxa²
 wă²nhũ²xai³kī³ju³ta² o²la³kxi²kī³kxai²nān²tu³
 wai³nhĩ³nx2na³la². 11 Nxa²ha¹te¹ te²yă¹nxe³sxă³
 txu¹ti³nău³xa² a²yxau²xai³lain¹tău³a² wi¹lhin¹sxă³
 yxau³ain¹ye²ha²kxai³ wăn³txa² ya²la³lyau³xa²
 so¹lxi³ e³ha²kxai³ yain³jau³xa² ũn³jau³xa²
 i³na²sxă³ we¹nxa³ha²kxai³ a²wa³ka³li³yu³ta²
 wain³txi³ o²la³kxi²ha²kxai³ nxe³hĩ³nx2na³la².
 12 A²nxe³jah¹lai²na² yen³kxa² wă²nhũ¹xai³kī³ju³ta²
 o²la³kxi²jah¹la² sa²kxai³lu² txu¹ha² ka³na³ka³na³ta²
 so¹lxi³ tē³ha²kxai³ a²wē³ha³lxai²na² whăi²na¹
 wain³txi³ i³tih³nxe³ha²kxai³ nxe³hĩ³nx2na³la².
 Nxe³sxă³ a²sxi²ha² yxau³ju³ta² wain³txi³
 i³hau³ko³tũ¹hĩ³nx2na³la². 13 Nxe³ha²kxai³ ju¹ta²na²
 ha³kxa¹ wain³txi³ o²la³kxi²kī³kxai²nān²tu³
 wxa²nũ³ka³txai²na² wi¹le³kxi²nyhai¹nhĩ³nx2na³la².
 Nxe³nyhain¹ju³tan¹te²kxa³ya³lhu² Je³su²
 Kris²tu³jah¹lai²na² wăn³txa² wxi²kan¹ton³sxă³
 i³tih³nxai¹nhĩ³nx2na³la².

Ā³no¹sa²tē³kxi²nē³jau³su²

14 Nxe³na¹jau³su² ũ³wha²li¹le¹nxa²ha¹wa².
 Ki³han³nxa³wa². Ye³jen¹na² wxă³sxă³
 i²nxa²ha¹ju³ta² ten³khaix1sa³nha²wa². 15 Nxe³na¹ta¹
 hxi²kan¹sa²nxa³ke³la³te²kxai³ wăn³txa²
 i³yau¹ũ¹nxa²ha¹jau³xai²li² ă²la² a³la³kxi²hĩ³nxai¹lxa².
 Je³su²jah³lai²na² wăn³txa² yxo²i²tũ³ka³txa²
 wain³txi³ yxau²xai³lain¹ju³ta² wi¹wi¹nxe²
 i³hau³ko³tũ¹hai¹nhĩ³nxai¹lxa². A²nxe³tũ¹ka³txai²li²
 Txa²wă¹sũ³na² ka³tēn³yah¹la² a²sa³wi³ha³lxai²la¹wa².
 Ya²la³lyau³xan²tu³ Sũ³na² wăn³txi³su²

ye²ha²kxai³ ain³kxi²yxau²xai³tũ³ka³txai²la¹wa².
 16 Ya²la³tu³ Txa²wã¹sũ³na² ã³ne³hi¹kxi³ju³ta²
 wa³lxe³ju³ta²la¹wa². Nxe³ta¹ Je³su²jah³la²
 ã³nhxi²ka¹tẽ³jah¹lai²la¹wa².
 A²nxe³jah¹la² a²nũ²khai³hũ³nxe²
 a³ka³nxi²ta¹hxai²ti³ai¹ti²tu³wa².
 Te²yã¹nxe³sxã³ Txa²wã¹sũ³na² Yãu³ka³txi³su²
 Jah¹lo²su² te²a² wi¹lhin¹sa²sai¹ye²kxe³su²
 i³tih³nxe³nẽ³ta¹hxai¹ti³ai¹ti²tu³wa².
 Te²yã¹nxe³sxã³ oh³xan¹tũ³ka³txa²
 i²ain¹ta¹hxai²ti³ai¹ti²tu³wa².
 Je³su²jah³la² sa³wi³ha³lxa² Sũ³na² wãn³txa²
 wi¹jau³xa² a²nũ²a² yxo²ha³kxa¹
 i³hen³txain¹ta¹hxai²ti³ai¹ti²tu³wa².
 A²nũ²a² ha³lo²a² i²li³ko³xa² yxau³kxan²ti³
 yxo²i²yah³lxi³ta¹hxai²ti³ai¹ti²tu³wa².
 Nxe³te²kxa³kxa¹ oh³nãu³nũ¹ka³na¹ wã³li²
 ka³la³xi²ta¹hxai²ti³ai¹ti²tu³wa².

4

Wãn³txa² ya²la³lha²ki³lxo³nxe³ki³jau³su²
 i³tih³nxe³te²nãu³xa²
 1 Jau¹xai²na² Txa²wã¹sũ³na² Yãu³ka³txi³su² jah¹la²
 wi¹wi¹nxe² i³yau¹ũ³nẽ³na²hẽ³la². Nxe³te³nah¹lxi¹
 kxãn³nãu³a¹ yxo²i²tũ³ka³txi³nãu³xai²na²
 a²ha³tih³xa² Txa²wã¹sũ³na² wãn³txa²
 sa²yo²ã³ain¹tu¹wa². A²nxe³te²a² sa²yo²ã³ain¹ka³tu³
 wãn³txa² a²ta³a² ko³nxe³jah¹la² ã³ke³tũ¹ain¹jau³su²
 ain³kxain¹tu¹wa². Nxain¹kxai²nãn²tu³ a²ta³a²
 nũ³ka³txa² wãn³txa² i³tih³nxain¹jau³xa²
 ki³han³jau³xan²tu³ yxo²i²sxã³ sa²yo²we¹tain¹tu¹wa².
 2 Jã¹nxe³sxã³ ki³han³jau³xai²li² i³tih³nxain¹te²na²

sa²kxai³lu² ki³han³jau³xa² so¹lxi³ i³tih³nxain¹tu¹wa².
 i³tih³nxain¹kxan²ti³nũ¹ ãin²ti³sxã³ i²ã³ain¹ju³ta²
 te³nai¹nxa³lho³la². ³ A²nxe³te²a² nxe²e³kxain¹tu¹wa².
 Nxe³ain¹te³nah¹lxi¹:

— Txu¹ha² so¹k³ju³ta² wai³nxa³wi¹.
 Nũh¹yxau³ju³ta² so¹lxi³ wain³na³li¹. Te²yã¹nxe³sxã³
 ka³yxuh³xa² s³na² wã²nhĩ²yah³lxi³txa³hẽ¹li¹.
 Nxe³jau³su² nxe³ain¹tu¹wa². Yxã¹ta¹
 ki³han³jau³xai²la¹wa². Je³su² Kris²tu³jah¹la²
 yxo²i²k³kxai²nãn²tu³ wãn³txa² wain³jau³xa²
 sa²yxo²we¹k³kxai²nãn²tu³ yain³txi³su² tã³nxa²
 ka³yxuh³sxu² tã³nxa² te²a² a²whã²na¹
 wi¹na³la². Txa²wã¹sũ³na² hxi²k³kxai³lu²
 we¹te²ju²hẽ³la². Nxe³ha²kxai³ wã²nhĩ²kxi²sxã³
 Sũ³na² i³ka³lih³kxi²nẽ³jau³su² e³kxi²k³kxai²nãn²tu³
 wain³na³la². ⁴ Nxe³ha²kxai³ Txa²wã¹sũ³na²
 ka³yxuh³xa² we¹kxa² a²yxo²ha³kxa¹ wi¹te²ju²hẽ³la².
 Nxe³kxe³su² i³ha¹txi²k³kxai²nãn²tu³ Sũ³na²
 i³wi¹lxo³kxi²nẽ³jau³su² i³ye³kxi²k³kxai²nãn²tu³
 en²k³ju³ta² wai³nxa³wa². ⁵ Yxã¹ta¹
 e³kxi²k³te³nah¹lxi¹:

— Txa²sũ³nãi³. Ka³yxuh³xai²li² ũ³hũ¹sa²nhĩ¹kxa²
 wi¹lxo³kxi²sa²sĩ¹nĩ¹nha²wi¹. Nxe³k³kxai²nãn²tu³
 Sũ³na² yen³nãu³a² wi¹lye²ha²kxai³
 i³wi¹lxo³kxi²nẽ³jau³su² i³ye³kxi²k³sa²kxai³
 ka³yxuh³xa² wã²nhĩ²k³ju³ta² wain³na³la².

Je³su² Kris²tu³jah¹la² wain³txi³
ã³si³tẽ³kxi²k³jau³su²

⁶ Nxe³jut³su² jau¹xai²na² yxo²ha³kxa¹
 txa²wã³tã³nãu³xa² i³yau¹ũ¹txai¹nhẽ³la².
 Nxẽ¹kxai²nãn²tu³ Je³su² Kris²tu³jah¹la² wain³txi³

ă³si³tē³kxin¹tu¹wa². Txa²wă¹sũ³na² wăn³txa²
 wain³txi³ yxo²i² ĩ³tih³nxe³nxain¹jau³xa²
 wain³txi³ ă³ne³wxe² nxē¹kxai²năn²tu³ ă²la²
 kăi²non³sxă³ yxo²i²sxă³ yxau²xai³lin¹tu¹wa².
 7 Nxe³yăn¹ta¹ wăn³txa² ya²la³tu³txa³jau³xa²
 ain³kxi²ti³he¹txa³hē¹la². Yxăn¹ta¹ wăn³txa²
 wi¹jau³xa² so¹lxi³ sa²yxo²we¹te³lhxă³ kăin²
 o²la³kxi¹sē¹la². 8 Txa²wă¹nũ²ai²li² sxĩ³nxũn³te³lhxă³
 o²la³kxi²kĩ³kxai²năn²tu³ jũ¹nxe² wi¹na³la².
 Yxăn¹ta¹ Txa²wă¹sũ³na² wăn³txa² nũ³kxũn³txi³
 sa²yxo²we¹kĩ³kxai²năn²tu³ ă²la² wi¹na³la².
 Nxe³kĩ³sĩ¹năn¹te²tu³ txa²wă¹ē¹nău³ai²na²
 ka³lih³kĩ³tă³la². Nxe³kĩ³ka³tu³ta¹ kxăn³nău³a¹
 ka³lih³khaix¹nxe³kĩ³tu¹wa². 9 Jau¹xai²na²
 ya²la³tu³jau³xai²la¹wa². A²nũ²a² yxo²ha³kxa¹
 ain³kxi²sxă³ yxo²i²kĩ³jau³xai²la¹wa². 10 Jau¹xai²na²
 Txa²wă¹sũ³na² ka³ten³su² yxau³jah¹la²
 a²wăn³txi³khai³xai²la¹wa². Je³su²jah³la²
 wăn³txa² yxo²i²kĩ³sa²kxai³ txa²wă¹ē¹nău³ai²na²
 sa²hau³ko³tē³jah¹lai²la¹wa². A³ka³nxĩ²ju³ta²
 wah³nxe² yxau³kĩ³tă³la². Nxe³ha²kxai³
 khăuh³lxa³txi³nē³lain¹kxan²ti³ a²nũ²a² yxo²ha³kxa¹
 ain³kxi²te³lhxă³ o²la³kxi²sxă³ ĩ³hen³txain¹kĩ³tă³la².

11 Nxe³jut³su² a²nũ²a² yxo²ha³kxa¹
 jau¹xai²na² ĩ³yau¹ũ¹txai¹nhē³la². 12 Nxa²ha¹te¹
 sa³nxe³lxa³kxi³sin¹kxan²ti³ yah³lon¹nxă²nxa³kxan²ti³
 ĩ³ăin²txi³sxă³ hxi²waun³txi³txa³hē¹la².
 Yxo²i²tũ³ka³txa² yxo²ha³kxa¹ ĩ²nxai¹nha²kxai³
 ĩ³tih³nxai¹nĩn¹jah¹lo²sin¹tu¹wa². Wăn³txa²
 wain³jau³xa² so¹lxi³ ĩ³ye³i² wain³ju³ta²
 so¹lxi³ o²la³kxi²nyhu¹i² a³lxi²waun¹nyhu¹i²
 Txa²wă¹sũ³na² wăn³txa² kan²txi³ sa²yxo²we¹txi²

wxa²ẽ¹nãu³ai²nãn¹jau³xa² Txa²wã¹sũ³na²
 wãn³txa² yã¹nxe³jau³xa² wã²nxũ¹hain³nha²
 nxe³sẽ¹la². 13 Ye³jen¹na² wxã³na¹tu¹wa². Hĩ¹na²
 hxi²kan¹sa²nxa³nha²wa²; Nxe³sa²nxa³hĩ¹nai²na¹
 wxã²na² sa²kxai³lu² a²nũ²a² yxo²ha³kxa¹
 sa²nũ³tai¹nhẽ³la². Nẽn¹kxai²nãn²tu³ Txa²wã¹sũ³na²
 ha³teh³nxã³nxa² ĩ²sxã³ ĩ³ye³kxi¹tai¹nhẽ³la².
 Wãn³txai²li² wain³txi³ sa²yo²wet1si¹hain¹jau³su²
 ĩ³yau¹ũ¹txai¹nhẽ³la². Wãn³txa² wa³lxe³jau³xa²
 ĩ²in¹kxai²nãn²tu³ wain³txi³ ĩ³tih³nxe³txai¹nhẽ³la².
 14 Txa²wã¹sũ³na² ĩ³hxi²ka¹txa²ju³ta²
 nxe³wãn²txa³hẽ¹la². Ain³kxi¹xi²khaix1nxe³sẽ¹la².
 Kxã³nhxĩ¹nai³tã² yxo²ĩ²te²a² hxi²kan¹txi³nãu³xa²
 a²hxi²ka² wxa²ne³hẽ¹nhain¹tai¹ti²tu³wa².
 Nxe³nxain¹te³nah¹lxi¹:
 — Txa²wã¹sũ³na² ĩ³hxi²ka¹txa²ju³ta²
 hĩ¹na² ã³si³wxe²na³li¹. Nxain¹tai¹ti²tu³wa².
 15 Nxe³jau³xai²na² ĩ²khai¹nxe³sẽ¹la².
 Wãn³txa² yxo²ha³kxa¹ sa²yo²we¹txa²hẽ³la².
 Nxẽn¹kxai²nãn²tu³ wxa²nũ³ka³txai²na² wain³txi³
 kãi³in¹ju³ta² ĩ²nxain¹tu¹wa². 16 ĩ²nxai¹nha²kxai³
 wãn³txa² e³in¹jau³xa² wi¹lĩ²ĩ¹nha²kxai³
 ĩ³yau¹ũ¹hai¹nĩn¹jau³xa² wi¹lĩ²ĩ¹nha²kxai³
 nxe³sẽ¹la². Kõ³nxe³ti³ o²la³kxin¹kxa²yan³txi³sa².
 Nxẽn¹kxai²nãn²tu³ wxa²nũ³ka³txa² yxo²ha³kxa¹
 Txa²wã¹sũ³na² wãn³txa² yxo²ĩ²ah³lxin¹kxai²nãn²tu³
 wxa²ẽ¹nãu³ai²na² sa²hau³ko³ta²lxi³tu¹wa².

5

Yxo²ĩ²tũ³ka³txa² wi¹kãi³waun¹nyhu¹kxi³jau³su²

1 Nxa²ha¹te¹ in³txa² yah³lon¹te²su² te²a²
 yxo²xũn³sxã³ ĩ³kwai²kxain¹txa³hẽ¹la². Wxa²wĩ³na²

hũ³nxe² i³tih³nxe³txai¹nhẽ³la². Sa³nxe³la³ku³su²
te²a² wxa²lon³hũ³nxe³ i³tih³nxe³txai¹nhẽ³la².

2 Te²yã¹nxe³sxã³ txu¹ha² a³ka³lxon¹te²a²
wxa²hã³ka³na² hũ³nxẽ¹nha²kxai³ wãin²ta²su²
te²a² wxa²ha³lĩn³ta³ka³lxu³hũ³nxẽ¹nha²kxai³
nxẽn¹ka³tũ³ i³tih³nxe³txai¹nhẽ³la². Kõ³nxe³jau³su²
e³kxi²nha²txa³hẽ¹la².

3 Wã³ha³te³sa³ka³lxu³khai³xa² wi¹lĩ²txai¹nhẽ³la².
Yen³kxa² wxa²hau³kot³sxã³ wã²nhũ¹txai¹nhẽ³la².
4 Yxãn¹ta¹ a³ka³lxon¹ta¹ka³lxa² wã³ha³te³son³ta¹ka³lxa²
sa²kxai³lu² a²wẽ³ha³lxa² yũ³ta³nxa²
a²sa³wi³ha³lxa² yũ³ta³nxa² i²txa²sã²nhẽ³la².
Yũ³kxai²nãn²tũ³ nxe³tũ³ka³txai²li² wi¹lĩ²txai¹lxa².
Nxe³te²na² hxi²ki³kxai³lu² sa²hau³ko³tain¹ju³ta²
a²ha³lo²ai²la¹wa². Kxã³nhxĩ¹nai³tã² kãi²nxa³sxã³
txo¹nai¹nxa³hĩ¹nai³tã² a²ha³ka³na² hxi²ka²
sa²hau³ko³tain¹te²ju²hẽ³la². Nxe³kxa²ha³tih³xan²tũ³
hĩ¹nai²na² wẽ³ha³lxa² hxi²ki³kxai³lu²
wã²ha³te³son³ta¹ka³lxa² hxi²nũn¹ sa²wa³li²ju³ta²
wain³na³la², Txa²wã¹sũ³na² yen³nãu³a²sa³.

5 Jã¹nxe³jut³su² wã³ha³te³son³ta¹ka³lxu³khai³xa²
a²sa³wi³ha³lxa² yũ²nxa³ha²kxai³ Txa²wã¹sũ³na²
a³ka³nxi²ju³ta² wah³nxe²na³la². Ã³nhxi²ka¹nxa³ju³ta²
ĩ³ye³kxi²na³la². Nxe³sxã³ ka³nxah³ta² i³ye³kxi²
a³lan²ta² i³ye³kxi² nxe²na³la², Txa²wã¹sũ³na²
ne³nxẽ³na²sa³. 6 Yxãn¹ta¹ wã²nxũh¹ta¹ka³lxa²
so¹lxi³ i³ka³lih¹ti²nha²kxai²nãn²tũ³
Sũ³na² i³ye³kxi²toh³xa³kxai²nãn²tũ³
nxe³ta¹ka³lxai²na² a²ẽ¹nãu³ai²na² ya³lu²te²hũ³nxe²
yxau²xai³te²ju²hẽ³la².

7 A²nxe³jut³su²
jau¹xai²na² yxo²ha³kxa¹ wxa²nũ³ka³txai²li²
ĩ³tih³nxe³txai¹nhẽ³la². Nxai¹nĩn¹kxai²nãn²tũ³
a²nũ²a²ã³xa² hxi²kan¹txi³kõ³nxe³ti³e³ai¹nxa³lho³la².

8 A²nxe³jut³su² a²yah³la²nău³su² tã³nxa²
a²xa³ka³lxu²nău³su² tã³nxa² a²nũ³ka³txa²
sa²hau³ko³tai¹nxa³kxai²năn²tũ³ Je³su² Kris²tũ³jah¹la²
wăn³txa² e²nai¹nhĩ³nx2na³la². Je³su²jah³lai²na²
wăn³txa² yxo²i²xa³te²a² wi¹wa³to²hi²hĩ³nx2na³la².

9 Jã¹nxe³ju³kxai³la¹ wã³ha³te³son¹ta¹ka³lxã²
ye³ka³lxã¹txi³ kwẽ³kon³sxã³ txa²wã¹hxi²ka²
hxan³sxã³ ye³ha¹li¹ ye³ha¹li¹ ye³ha¹li¹
wxa²sa²wa²la³kxi²xi²nũn³sxã³ kwẽ³kon³sxã³ 60
nxe² kwẽ³kon³sxã³ yxau²xai³ta¹ka³lxã² so¹lxi³
a²i³lxã² ũ³wha²li¹lhã³ ã³nhau³ko³txai¹nhẽ³la²
A²nxe³ta¹ka³lxã² kxã³nxai³kxai³ in³txa²
ka³na³ka³na³te²a²so¹nhya¹sxã³ yxau²xai³lah³na²hẽ³la².

10 A²nxe³ta¹ka³lxã²kxai³la¹ wi¹ju³ta² so¹lxi³
kãĩ³ha²kxai³ a²nũ²a² yxo²ha³kxa¹ wi¹le³kxi²
kxã³nhxĩ¹nai³kxai³ wẽ³ha³lxã² wi¹wain³txi³
wãĩ²lo³ti² a²nũ²a² ha³la³ka³lxã³lon³te³lhã³
wxã³kxai²năn²tũ³ ũ³nyhai¹ti² a²nũ²a² yxo²i²te²a²
wxa²yũ³hĩn³ta³kxi² a²nũ²a² khãuh³lxã³thin¹te²a²
ã³non²ta³kxi² wi¹lo²la³kxi²ju³ta² so¹lxi³ kãĩ³i²
nxe³ta¹ka³lxã² i³lxã² so¹lxi³ ũ³wha²li¹lhã³
ũ³hau³ko³tai¹nhẽ³la².

11 Yxãn¹ta¹txu¹ha² wã³ha³te³son³ta¹ka³lxã² kwa²
a³ka³lxo¹nxa³ta¹ka³lxã² i³lxã² ũ³wha²li¹txa³hẽ¹la².
Nxe³ta¹ka³lxã² ye³jen¹nău³a² in³txa²
yxo²kwai³nai¹nha²kxai³ Je³su²jah³la² wăn³txa²
a³lxi²nxa³ha²kxai³ in³txa² ã¹so¹hĩ³nx2na³la².

12 Nxe³kxai²năn²tũ³ a²wăn³tai³tã² e³kxi²jau³xai³tã²
sa²yxo²ã³ha²kxai³ wã²nxũ¹lxi³hĩ³nx2na³la².

13 Nxain¹kxai²năn²tũ³ sxi²ha² ai³lha²thet³sxã³ u³txi³
wa³ko³nai¹nhĩ³nx2na³la². Nxe³sxã³ kwa²wăn³txa²
ya²la³lhxa³jau³xa² kwa² hen³txai¹nhĩ³nx2na³la².
Nain¹kxa²yũ³su² wxa²nũ³ka³txa² i³ki³ha¹kxi²sxã³

ko³txe²lo³nx2tai¹nhĩ³nx2na³la². 14 Nxe³jut3su²
 ha²kxai³ wã³ha³te³sa³ka³lxa² a³ka³lxo¹nxa³te²a²
 e³kxai¹na¹te³nah¹lxi¹:

— In³txa² ã¹so¹txu¹ni¹. Wẽ³nhĩn¹kxai²nãn²tu³
 wẽ³sa² wi¹we¹txa²hẽ³ni¹. Wxa²sxi²ha²
 wi¹lhau³ko³txa²hẽ³ni¹. Nĩn¹kxai²nãn²tu³ hxi²kan¹txi³
 ko³nxe³te²lo³txa²nxa³lho³ni¹. Nxai¹nhĩ³na¹wa².

15 Jã¹nxe³jut3su² wã³ha³te³son³ta¹ka³lxa² a²ha³tih³xa²
 Txa²wã¹sũ³na² wãn³txa² sa²yo²ã³ha²kxai³
 Sa³ta³na²jah¹lai²na² wãn³txa² sa²yo²we¹tha²kxai³
 nxe³hĩ³nx2na³la². 16 Jã¹nxe³jut3su² txu¹ha²

a³ka³lxo¹nxa³te²a² hi²sen³su² a³ka³lxon¹te²na²
 a²hã³ka³nũ²su² ta³nxa² a²hã¹nũ²su² ta³nxa²
 ka³ten³su² yxau³kxai²nãn²tu³ nxe³te²a²
 sa²kxai³lu² wi¹lhau³ko³txai¹lxa². Nx-
 ain¹kxai²nãn²tu³ yxo²i²tũ³ka³txai²na² sa²kxai³lu²
 wã³ha³te³son³ta¹ka³lxu³khai³xa² so¹lxi³
 wi¹lhau³ko³tai¹nhĩ³nx2na³la².

17 Nxa²ha¹te¹ wxa²hxi²kan¹txi³nãu³xa²
 wi¹lo²la³kxain¹kxai²nãn²tu³ sa²nẽn¹kxi²sxã³
 ũ³yho³hai¹nĩn¹ju³ta² wai³nhĩ³nx2na³la².
 Txa²wã¹sũ³na² wãn³txa² wain³txi³ĩ³tih³nxe³ha²kxai³
 wa³lxe³jau³xa² ĩ³yau¹ũ¹ha²kxai³ nxain¹kxai²nãn²tu³
 nxe³txai¹nhẽ³la². 18 Txa²wã¹sũ³na²

ũ³wha²li¹txã³nxai³tã² e³te³nah¹lxi¹:

— Po¹nai²li² yain³ta³ki³a² tĩ³lo³te³lhxã³
 tĩ³ha³te³kxi²xai³tãu³a² sa²yo²tai³txa³hẽ¹li¹.
 Jã¹nxe³sxã³ yau³xã³xa²sa¹:

— A²nũ²a² wa³kon³kxi²nẽ³lain¹kxai²nãn²tu³
 ũ³yho³hain¹ki³ju³ta² wain³na³li¹. Txa²wã¹sũ³na²
 ũ³wha²li³txã³nxai³tã² nxe³ta¹hxai²tĩ³ai¹ti²tu³wa²
 19 A²nũ²a² wxã³sxã³ wxa²hxi²kan¹te²a²
 ko³nxe³ti³ e³kxi²kxai²nãn²tu³ ain³kxi²txa³hẽ¹la².

A²nũ²a² ka³na³ka³na³te²a² wxã³kxan²ti³
 ain³kxain¹txa³hẽ¹la² Yxã¹ta¹ a²nũ²a²
 ha¹li¹ ka³na³ki² nxe²e³kxain¹kxai²nãn²tũ³
 ain³kxi¹txai¹nhẽ³la². 20 Wxa²nũ³kã³txai²na²
 ha³tih³xa² ko³nxe³ti³ kãi³ain¹to³kxai²nãn²tũ³
 ã³nũ²kxi¹txai¹nhẽ³la². Ai¹nĩn¹kxai²nãn²tũ³ jah¹la²
 e³lai²na¹ i³kwai²kxi¹txai¹nhẽ³la², a²nũ²a² ka³lxa¹txi³
 ko³nxe³ti³ kãi³ain¹kxa²yan³ti³sa². Nxe³sxã³
 wi¹kãi³ain¹tu¹wa².

21 Nxe³na¹jut³su² jau¹xai²na² a²yo²ha³kxa¹
 sa²yo²we¹txa²hẽ³la². Wãn³txa² yau³jũ¹jau³su²
 kxan²ti³ sa²yo²ã³txa³hẽ¹la². A²nũ²a² i²li³te²a²
 sa²yo²ã³si¹nxain¹jau³su² i³ye³kxi¹nxa²kxan²ti³
 ain³kxain¹txa³hẽ¹la², hxi²kan¹jah¹lo²su²
 kxan²ti³na². Nxe³jau³xai²li² i³kwa³na³nxa²ha¹wa².
 Txa²wã¹sũ³na² Si³yxau³jah¹lai²na² a²ye³na²
 Je³su² Kris²tu³jah¹la² Txa²wã¹hxi²kan¹ta²
 Si³yxau³jah¹lai²na² a²ye³na² oh³xan¹tũ³kã³txa²
 wi¹lhin¹te²ai²na² a²ye³na² i²sain¹jau³su²
 i³ye³kxi¹nxa²ha¹wa². 22 Wxa²hxi²kan¹ti³su²
 te²a² i²sxã³ sa²so¹ti³ten³nxa²kxai²nãn²tũ³
 wa³su³txa³hẽ¹la². Jũ¹nxe² ha³lo³kxit¹sã²nhẽ³la²,
 ko³nxe³ti³ kãi³ju³ta² kãi³yxau²xai³te²sa²
 kxa²yan³txi³sa². Nxe³te²su² kxai²nãn²tũ³ wxã¹ntxi³
 a²hxi²ki³te²la³nũ³nhĩ³nxa¹lxa².

23 Wxa²ẽ¹nãu³ai²na² i³ton³nxa²to³ha²kxai³
 i³yau³xa² so¹lxi³ i³na²txa³hẽ¹la². Yxã¹ta¹
 u²va²yau³xa² jũ¹nxe² i³na¹sẽ¹la².

24 Jã¹nxe³jut³su² a²nũ²ai²li² ko³nxe³ti³ kãi³sxã³
 yxau²xai³te²na² sa²kxai³lu² a²wã³ki³kxai³
 e³lxah²lxi³ ha²kxai³ a²wã³ki³kxai³ hãĩ³a²
 kãi³ha²kxai³ nxe³te²ju²hẽ³la². E³lxah²lxi³sxã³

kāi³ain¹kxai²nān²tu³ wxāi²kxai³ hxi²kan¹ti³
 i³kwai²kxai¹nhĩ³nxa¹lxa². Yxān¹ta¹ hāi³a²
 kāi³ain¹kxai²nān²tu³ a²yan¹nāu³a² so¹lxi³ ko³nxe³ti³
 kāi³ain¹ju³ta² e³lxah²lxi³tu¹wa². 25 Te²yā¹nxe³sxā³
 a²nũ²a² wi¹kāi³te²na² sa²kxai³lu² a²wā³ki³kxai³
 e³lxah²lxi³ ha²kxai³ a²wā³ki³kxai³ a²yan¹nāu³a²
 so¹lxi³ wi¹kāi³ain¹ju³ta² e³lxah²lxi³tu¹wa².

6

1 A²nũ²a² a²wa³kxēn³yah³lo²lot3sxā³
 yxau²xai³te²na² sa²kxai³lu² wi¹wa³kon³kxi²ha²kxai³
 a²hxi²kan¹jah¹lo²khai³xa² i³sa²nēn¹kxi²ha²kxai³
 nxe³txai¹nhē³la². Nxain¹kxai²nān²tu³ a²nũ²a²
 i²li³te²a² Txa²wā¹sũ³na² i³lxa² tã³nxa²
 a²wān³txa² i³yau¹ũ¹nxa²ha¹jau³xa² tã³nxa²
 ko³nxe³te²lo³te²a² yũ²nxa³lho³la². 2 Te²yā¹nxe³sxā³
 a²wa³kxēn³yah³lai²li² Txa²wā¹sũ³na² wān³txa²
 sa²yxo²we¹kxai²nān²tu³ a²wa³kxēn³yah³lo²lot3sxā³
 yxau²xai³jah¹lai²na² hi²sen³kxai³lu² nxe³te³nah¹lxi¹:

— Kwa³na³sa²jah¹la² Je³su²jah³lai²na²
 wān³txa² sa²yxo²we¹jah¹lo²su² nũ³nha²kxai³
 txa²wā³tã³xai²la¹wi¹. Nxe³ha²kxai³
 wi¹wa³kon³nxa³kxan²ti³ wain³na³li¹. Nxe³jau³su²
 kxai²nān²tu³ wai³nxa³wa². Yxān¹ta¹
 yxo²i²jah¹lo²su² nũ³nha²kxai³ ā²la² nũ³kxũn³txi³
 ā²la² wi¹wi¹nxe² wa³kon³kxain¹ju³ta² wain³na³la².
 A²wa³kxēn³yah³lai²li² Je³su²jah³lai²na² Wān³txa²
 yxo²i²ha²kxai³ txa²wā³tã³su² hĩ³nx2na³la².
 Jā¹nxe³jau³jau¹xai²li² i³tih³nxe³txai¹nhē³la².

Wān³txa²ya²la³lyau³xa²i³tih³nxe³jau³su²

3 Jā¹nxe³na¹jau³su² a²nũ²a² ĩ²li³te²a²
wãn³txa² yau³xã³xa² tẽ³sxã³ wxã³kxai²nãn²tũ³
ĩ²khai¹nxet3sã²nhẽ³la². Je³su² Kris²tu³jah¹la²
Txa²wã¹hxi²kan¹ta² Si³yxau³jah¹lai²na²
wãn³txain²txi³ wãn³txa² ĩ³tih³nxe³nxa²ha¹jau³xa²
wi¹lhin¹sxã³ yxau²xai³kĩ³jau³xa² wãn³txain²txi³
hãix1jau³xa²yãx1te²jai¹ti²tu³wa². Yxãn¹ta¹
kwẽn¹tai²na² wxã³jah¹lai²na² wãn³txa²
yau³xã³lxi³ti³ e³kxai²nãn²tũ³ ain³kxain¹txa³hẽ¹la².
4 A²nxe³jah¹la² wãn³txa² yxo²kãin²e³jah¹lai²la¹wa².
Hai³txi³ ã³ne³wxe³ti³he¹xai¹nhĩ³nx2nxa³wa².
A²wãn³txa² so¹lxi³ kwa² toh¹lxe¹hĩ³nx2na³la².
Nxe²e³kxai²nãn²tũ³ ĩ³xan³ta³kxi²nyhu¹i²
ĩ³kãĩ²non³nha²si¹jau³su² yxo²xũn³txi³ ĩ³ye³kxi²
kwa²he¹kxi²nyhu¹i² kō³nxe³te²lo³kxi²nyhu¹i²
a²nũ²a² ã³xa² yxo²ĩ²xa³sxã³ ĩ³wã³wã³ta³kxi²nyhu¹i²
nxe³jah¹lo²su² hĩ³nx2na³la². 5 Jā¹nxe³te²a²
a²ẽ¹nãũ³ai²na² kō³nxe³ti³ ain³nha²ju³ta²
so¹lxi³ yũ³ha²kxai³ wãn³txa² ya²la³lyau³xa²
ĩ³tih³nxai¹nxa³ha²kxai³ nxe³ju³tan¹te²kxa³ya³lhu²
an³ta³txi³ ĩ³ye³ye³kxi²nyhu¹ain¹na³la².

— Kãin² yen³kxi³nha²te³lhxã³ yxo²ĩ²a¹tũ¹xã¹.
Nxe³jau³su² nxe³hĩ³nx2na³la². 6 Jā¹nxe³jut3su²
Txa²wã¹sũ³na² wãn³txa² yxo²ĩ²kĩ³kxai²nãn²tũ³
txa²wã¹ẽ¹nãũ³ai²na² wi¹lhin¹sxã³
hãũ²no³nha²hĩ³kĩ³tã³la². Nxe³ju³tai²li²
yen³kxi³nha²ju³ta² ã³wa²to²hi²sxã³ wi¹la² ai²na³la².
7 Nxe³sxã³ kxã³nxai³tã² txa²wã¹wẽ³sĩ¹nai³tã²
yen³kxa² tẽ³sxã³ a³li³lah¹kxi³sxa³tai¹ti²tu³wa².
Te²yã¹nxe³sxã³ yah³lon¹sxã³ ya³lu²kĩ³tãũ³a¹
yen³kxa² tẽ³kĩ³sxa³lho³la². 8 Nxe³ha²kxai³

yain³txa² yũ³ki³sa²kxai³ sxi²ha² yũ³ki³sa²kxai³
 nxe³ki³te²a² so¹lxi³ ãñ³nhĩ³nx2na³la². 9 Yxãñ¹ta¹
 yen³kxa² yxo²kwain³jah¹la² sa²kxai³lu² ko³nxe³ti³
 wã²nxũ¹hain³nha² ã³si³wxe³hĩ³nx2na³la².
 Nxain¹kxai²nãn²tu³ hã²wxãn³txa³ tĩh³nai²li²
 ko³nxe³ti³ ain³nhain¹tĩh³na² ai³kxai²nãn²tu³
 khãuh³lxa³thin¹sa²tẽ³tu¹wa². 10 Jã¹nxe³sxã³ yen³kxa²
 yxo²kwain³kxi²ki³kxai²nãn²tu³ ko³nxe³ju³ta²
 ka³lxa¹txi³ wxã³kxi²nẽ³na³la². Jã¹nxe³jut3su²
 yxo²i²tũ³ka³txa² a²ha³tih³xa² yen³kxa² kãin²
 yxo²kwai³nai¹nha²kxai³ Txa²wã¹sũ³na² wãn³txa²
 sa²yxo²ã³ain¹na²hẽ³la². Nxe³ai¹nha²kxai³
 kuh³lxa³thin¹khai¹xain¹na²hẽ³la².

Pau²lah³la² a²yxo²wãn³txa² Ti³mo²jah³la²
ĩ³yau¹ũ³jau³su²

11 Yxãñ¹ta¹ wxãñ²na² sa²kxai³lu² Txa²wã¹sũ³na²
 sa³wit3si¹nha²kxai³ ju¹tai²na² yxo²ha³kxa¹
 ã³na¹txa²hẽ³la². Nxĩñ¹kxai²nãn²tu³ wain³ju³ta²
 so¹lxi³ ãñ³ten³txa²hẽ³la². Wi¹lhin¹ju³ta²
 so¹lxi³ kãĩ³txa²hẽ³la². Txa²wã¹sũ³na²
 wãn³txa² kan²txi³ yxo²i²txa²hẽ³la². A²nũ²a²
 yxo²ha³kxa¹ a³lxi²khai¹nxe³tai¹nhẽ³la². Ko³nxe³ti³
 e³kxi¹nxain¹kxan²ti³ ya³nãn³ta³ki²la²sxã³
 wain³txi³ kãĩ³txa²hẽ³la². Hãĩ¹sxã³ thãĩ³ti³la²
 wi¹kãĩ³txai¹nhẽ³la². 12 A²nũ²a² nũ³kxũñ³txi³
 ã³nhe¹kxi²nyhu¹kxa² yã¹nxe³sxã³ nũ³kxũñ³txi³
 ã³nhe¹kxit1sxã³ ko³nxe³ju³ta² ã³na¹txa²hẽ³la².
 Txa²wã¹sũ³na² wãn³txa² ka³ten³yau³xa²
 hxi²ki³kxa² yã¹nxe³sxã³ ain³so¹khai¹nxe³sẽ¹la².
 Nxe³sih¹nxa²jau³su² Txa²wã¹sũ³na² i²sxã³
 i³so¹nxa²tai¹ti²tu³wa². Nxe³sxã³ kxã³nhxi¹nai³tã²
 yxo²i² ã³si³wxe¹i¹nhĩ¹nai³tã² a²nũ²a² ka³lxa¹txi³

ĩ³hen³txai¹nĩn¹tai¹ti²tu³wa². Te²yā¹nxe²
 āh¹ o²la³kxi¹to³hē¹la². 13-14 Nxe³na¹jau³su²
 wān³txa² e³kxi¹nxa²ha¹jau³xai²li² a²yxo²ha³kxa¹
 sa²yxo²we¹txa²hē³la². Nxĩn¹kxai²nān²tu³
 ko³nxe³te²lo³txa²ju³ta² yũ²nxa³lho³la².
 Nxe³jau³xai²li² txa²wān³txi³sxa³wa². Txa²wā¹sũ³na²
 wān³txai²la¹wa². Je³su² Kris²tu³jah¹la²
 wxā²nxa³tā³lxa¹ nxe²kāi³txa²hē³la². Jau¹xa²
 yxo²ha³kxa¹ Txa²wā¹sũ³na² Si³yxau³jah¹la²
 ka³ten³yu³ta² ũ³hũ¹nē³lain¹jah¹la² ĩ²nxa²na³la².
 Te²yā¹nxe³sxā³ Je³su² Kris²tu³jah¹la² a²wān³txa²
 ka³ten³yau³xa² sa²kxai³lu² Pōn³si³o³ Pi³la²jah³lai¹tā²
 ĩ³hen³txi³te³nai¹ti²tu³wa². Jā¹nxe³sxā³ Je³su²
 Kris²tu³jah¹lain²txi³ ĩ²nxān²nũn³na³la².
 15 Jā¹nxe³jut³su² ye³jen¹na² Kris²tu³jah¹la²
 a³ka³nxi²tāu³a² wā²nā³ũ¹nhē³lain¹tu¹wa².
 Txa²wā¹sũ³na² Si³yxau³jah¹la² wi¹lhin¹khaix¹jah¹la²
 kāin²khaix¹nx2na³la². Ā²la² kāin² ā³sen³sai¹jah¹la²
 yũ²nxa³wa². Nũ³kxũn³khaix¹jah¹lai²la¹wa².
 A²nũ²a² a²wa³kxē³nxa² kāin²na³la². Yxān¹ta¹
 jah¹lai²na² sa²kxai³lu² a²wa³kxēn³ti³nāu³xai²na²
 yxo²ha³kxa¹ a²wa³kxē³nxa² a²si³yxau³jah¹lo²la²na³la².
 16 Jah¹lai²na² so¹lxi³ ya³lu²ju³ta²
 yũ³ti³hex¹jah¹lo²sxa³wa². Ha²te¹ti³hũ³ju³ta²
 so¹lxi³ yxau²xai³jah¹lai²la¹wa². Ka³nxah³ju³ta²
 yũ³jah¹lo²sxa³wa². A²nũ²a² hxi²kan¹txi³
 ĩ²nxũn³kxi²ti³he¹nxe³hĩ³ki³sxa³wa². A²nũ²a²
 ĩ²ti³he¹jah¹lo²sxa³wa². Hxi²kan¹txi³
 ĩ²ki³sxa³jah¹lo²su² na³la². A²nũ²a² yxo²ha³kxa¹
 sa²nēn¹kain¹tu¹wa². Nũ³kxũn³ju³ta² ne³ki³son³sxā³
 hxa³n³kxi²nxa³lho³la². Nxe³te²sē¹la².

17 Nxa²ha¹te¹ hĩ¹na²su² a²nũ²a²
 yen³kxi³khaix¹te²a² e³kxi¹txai¹nhẽ³la².
 E³kxi¹nĩn¹te³nah¹lxi¹:
 — A²nũ²a²yen³kxi³txa²te²a²nxe²e³kxain¹yah³lxi³txa³hẽ¹li¹.
 “Txai²na² kãin²te²sa¹wi¹. Wxa²nũ³ka³txa²
 kãi²nxa³wi¹.” Nxe³yah³lxin¹jau³su²
 e³yah³lxi³txa³hẽ¹li¹. Yen³kxa² wa³su³txi³
 hxa³n³kxi¹nx²tj³ha³tai¹. Yxã¹ta¹
 Txa²wã¹sũ³na² yxo²ĩ²jah³lxi³hẽ¹li¹.
 Yah³lxin¹kxi²nã²tu³ wxa²ẽ¹nãu³ai²na²
 sa²hau³ko³txa²lxi³tu¹wi¹. Nxe³yah³lxin¹kxi²nã²tu³
 ka³lih³kxi²txi³ wi¹lhin¹yah³lxi¹nha²kxi³
 yen³kxa² yxo²kwain³yah²lxan³tho³li¹.
 18 Yah³lxi¹nha²kxi³ wi¹lhin¹kxi³ju³ta² so¹lxi³
 o²la³kxi¹jah³lxi³hẽ¹li¹. Wxa²yen³kxa² a³lxi²nxa³sxã³
 wã²nhũ¹txai¹yah³lxi³hẽ¹li¹. 19 Yah³lxin¹kxi²nã²tu³
 kxã³nãu³a¹ kxan²ti³ ka³ten³su² yxau³ki³tãu³a¹
 yen³kxa² wi¹ju³ta³nũ³a² kãin²yũ³tu¹wi¹.
 Nxe²e³kxi¹txai¹nhẽ³la².
 20 Ti³mo²jah³lãi³. Txa²wã¹sũ³na² wãn³txa²
 e³kxi¹nxa²jau³xa² yxo²ha³kxa¹ sa²yxo²we¹txa²hẽ³la².
 A²nũ²a² ă³xa² toh³lxa³te³ain¹jau³xa²
 ĩ³wa²lũ³xain¹txa³hẽ¹la².
 — A²hoh³lxi³sa¹wi¹. Ain¹kxan²ti³
 ă³ne³wxe³ai¹nxa³ha²kxi³ ĩ³wa²lũ³xain¹txa³hẽ¹la².
 21 A²nũ²a² nxe²kãi³te²a² yũ²na³la². Kãi³sxã³
 Je³su²jah³lai²na² wãn³txa² ă³na¹ain¹na²hẽ³la².
 Jã¹nxẽn¹kxa²yan³ti³su² na¹jau³xai²li²
 ĩ³ye³ye¹nxa²ha¹wa². Txa²wã¹sũ³na²kxi³lu² kãin²
 thãi³ti³la² a³lxi¹nxa²ju³ta² ten³sa³nha²wa². Txai²na²
 Pau²lah³lo²na¹xai²na² ta³lun²ye¹nxa²ha¹wa².

Txa²wa¹sũ³na² Wãⁿ³txa²
New Testament in Nambikuára, Southern
(BR:nab:Nambikuára, Southern)

copyright © 2012 Wycliffe Bible Translators, Inc.

Language: Nambikuára, Southern

Translation by: Wycliffe Bible Translators, Inc.

Nambikuára, Southern [nab], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nambikuára, Southern

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

5198f7a7-ab9d-5d69-b112-d94960f81d2a